



ՄՈՒՐԲ ԶԱԿՈՐ

ԱՌԱՋՆՈՐԴԱՆԻՍ ՄԱՅՐ ԵՆՈՒՄՅԻ



ԽԱՉԿԵՐԱՅԷՆ ԵՏՔ ԵՕԹՆԵՐՈՐԴ ԿԻՐԱԿԻ

03 ՆՈՅԵՄԲԵՐ 2019

Կիրակնօրեայ Ընթերցումներ	Էջ 1
Ողորմութեան Կանչ Մը (16)	Էջ 3
Ծանուցումներ	Էջ 3

ԸՆԹԵՐՑՈՒՄ

ԵՍԱՅԻ ՄԱՐԳԱՐԷԻ ԳԻՐՔԷՆ

(22.15-25)

Այսպէս կ'ըսէ Տէրը, Երկնային Զօրքերու Տէրը.

« Գնա՛ արքունի հազարապետ Սոմնասի դիւանը մտիր եւ ըսէ իրեն. - Ինչո՞ւ հոս եկած ես, ի՞նչ գործ ունիս հոս, որ այստեղ քեզի գերեզման փորել կու տաս, այս բարձունքին վրայ քեզի ժայռափոր դամբարան կը շինես: Լսէ՛, ո՛վ մարդ, Երկնաւոր Զօրքերու Տէրը քեզ հողկէ պիտի հանէ եւ քաշկուտելով դուրս նետէ. քեզ մեծ եւ անսահման երկիր մը պիտի նետէ եւ հոն պիտի մեռնիս: Քու գեղեցիկ կառքդ անարգանքի առարկայ պիտի ըլլայ եւ իշխանական տունդ՝ ոտքի կոխան: Աստուած քեզ քու պաշտօնէդ եւ քու դիրքէդ պիտի հեռացնէ: Այն օրը պիտի կանչեմ իմ ծառաս, Քեղկիայի որդի Եղիակիմը, եւ քու պատմուճանդ անոր պիտի հազցնեմ, անոր պիտի տամ քու իշխանական պսակդ, եւ անոր պիտի յանձնեմ արքունի հազարապետութիւնը, որպէսզի հօր մը պէս կառավարէ

Երուսաղէմի եւ Յուդայի բնակիչները: Դաւիթի տան վերակացութիւնը անոր պիտի տամ. պիտի իշխէ, եւ ո՛չ ոք պիտի ընդդիմանայ անոր: Իր վճիռները բացարձակ պիտի ըլլան. ո՛չ ոք պիտի կարենայ փակել ինչ որ ինք կը բանայ, եւ ո՛չ ոք պիտի կարենայ բանալ ինչ որ ինք կը փակէ: Զայն իշխան պիտի կարգեմ եւ ամբօրէն հաստատեմ պատին ամրացուած գամի մը պէս, եւ անիկա իր հօրը տան փառքը պիտի ըլլայ: Իր հօրը տան մէջ դիրք ունեցող բոլոր մարդիկը, փոքրէն մինչեւ մեծ իրենց յոյսը անոր վրայ պիտի դնեն եւ իրմէ կախուած պիտի ըլլան. եւ ինչպէս երբ տան մը բոլոր անօթները, փոքր ամաններէն մինչեւ մեծ կաթսաները մէկ գամէ կախուին՝ գամը կը խախտի ու կ'իյնայ, այնպէս ալ, - կ'ըսէ Երկնաւոր Զօրքերու Տէրը, - գամի մը պէս հաստատուած Եղիակիմն ալ պիտի շարժի, պիտի իյնայ ու կործանի, եւ անոր փառքը պիտի կորսուի»: Տիրոջ վճիռն է ասիկա:

ՊՕՂՈՍ ԱՌԱՔԵԱԼԻ
ԵՓԵՍԱՅԻՆԵՐՈՒՆ ԳՐԱԾ
ՆԱՄԱԿԷՆ

(1.1-14)

Ես, Պօղոս, Աստուծոյ կամքով Յիսուս Քրիստոսի առաքեալը, կը գրեմ Եփեսոս բնակող եղբայրներուդ,

Յիսուս Քրիստոսի հաւատացողներուդ: Թող Աստուած մեր Հայրը եւ Տէր Յիսուս Քրիստոս շնորհք եւ խաղաղութիւն պարգեւեն ձեզի:

Օրհնեալ է Աստուած, մեր Տիրոջ Յիսուս Քրիստոսի Հայրը, որ Քրիստոսով մեզ օրհնեց երկինքի մէջ ամէն տեսակի հոգեւոր օրհնութեամբ: Անիկա աշխարհի գոյութենէն իսկ առաջ մեզ ընտրած էր՝ Քրիստոսի միջոցաւ իրեն պատկանելու համար որպէս սուրբ եւ անարատ ժողովուրդ, եւ իր սիրով մեզ նախասահմանեց Յիսուս Քրիստոսի ձեռքով իր որդիները ըլլալու, որովհետեւ ա՛յդ էր իր կամքը եւ ծրագիրը:

Ուստի գովենք զինք այն փառքին համար որ մեզի շնորհեց իր սիրելի Որդիին միջոցաւ: Արդարեւ, անո՛վ փրկուեցանք եւ անոր արիւնով մեր մեղքերուն թողութիւն գտանք: Ո՛րքան մեծ է իր շնորհքը որ առատօրէն տուաւ մեզի՝ ամենայն իմաստութեամբ եւ գիտութեամբ: Որովհետեւ իր կամքին համաձայն մեզի յայտնեց շատ կանուխէն պատրաստած իր ծրագիրը, որ Քրիստոսով պիտի իրագործուի: Եւ այդ ծրագիրը սա է, որ երբ ժամանակները իրենց լրումին հասնին, Քրիստոս իրմով պիտի բովանդակէ ամէն ինչ որ կայ երկինքի մէջ եւ երկրի վրայ:

Աստուած, որ Քրիստոսով ամէն ինչ կը յաջողեցնէ ըստ իր առաջադրած ծրագրին եւ կամքին, առաջուց հրաւիրեց մեզ՝ իր ժողովուրդը ըլլալու եւ իր փառքը գովերգելու. մենք, որ Քրիստոսի յուսացողներուն առաջիններէն եղանք: Դուք ալ, երբ լսեցիք ճշմարիտ քարո-

զութիւնը, այսինքն Աւետարանը որ ձեզի փրկութիւն բերաւ, հաւատացիք Քրիստոսի եւ խոստացուած Սուրբ Հոգիով կնքուեցաք: Եւ Սուրբ Հոգին գրաւական է՝ թէ պիտի ժառանգենք Աստուծոյ խոստումը, եւ որպէս իր կողմէ փրկուած ժողովուրդ՝ իր փառքը գովերգենք:

...երբ լսեցիք ... Աւետարանը որ ձեզի փրկութիւն բերաւ, հաւատացիք Քրիստոսի եւ խոստացուած Սուրբ Հոգիով կնքուեցաք:

ՅԻՍՈՒՍ ՔՐԻՍՏՈՍԻ ԱԻԵՏԱՐԱՆԷՆ ԸՍՏ ՂՈՒԿԱՍԻ (8.17-21)

Մեր Տէր Յիսուս Քրիստոս կ'ըսէ. «Չկայ ծածուկ բան մը որ չյայտնուի եւ կամ գաղտնի բան մը՝ որ չգիտցուի եւ երեւան չգայ: Ուրեմն ուշադիր եղէք թէ ի՛նչ պէս կ'ընդունիք այս խօսքերը, որովհետեւ ունեցողին պիտի տրուի, իսկ չունեցողին պիտի առնուի նոյնիսկ այն՝ ինչ որ կը կարծէ թէ ունի»:

...ունեցողին պիտի տրուի, իսկ չունեցողին պիտի առնուի նոյնիսկ այն՝ ինչ որ կը կարծէ թէ ունի:

Յիսուսի մայրն ու եղբայրները իրեն եկան, բայց խուռն բազմութեան պատճառով չկրցան իրեն մօտենալ: Լուր տուին իրեն, ըսելով. «Մայրդ եւ եղբայրներդ դուրսն են եւ կ'ողոն քեզ տեսնել»: Յիսուս ըսաւ. «Մայրս ու եղբայրներս անոնք են որոնք Աստուծոյ խօսքը կը լսեն եւ կը գործադրեն»:



ՈՂՈՐՄՈՒԹԵԱՆ ԿԱՆՉ ՄԸ Աղօթքներ ճեւարես

Հեղինակ՝ ՀԷՆՐԻ ՆՈՒԸՆ

Թարգմանողներ՝ ԿԱՐՕ ՄՐԿ. ՆՈՒՆՈՒՏԵԱՆՆԻ

Կ'ուզենք վերլիշեցնել թէ այս աղօթքները գրուած են 7 ամիսներու վրայ երկարող խոկանումի (retreat) մը հոգեւոր ճանապարհորդութեան ընթացքին, ուստի եւ կ'ընթանան թեմայական շաղկապումով մը: Ծիշդ այս պատճառով, թէեւ հետեւեալ նիւթը կրնայ չառընչուիլ այսօրուան խորհուրդին եւ՝ տարբեր եղանակի մէջ գրուած ըլլալ, ուզեցինք հարազատ մնալ աղօթաշարի զարգացման:

ՄԱՍ ԵՐԿՐՈՐԴ

Աստուծոյ ողորմութիւնը մեր մեղքերէն մեծ է: Մեղքի գիտակցութիւն մը կայ, որ Աստուծոյ չ'առաջնորդեր այլ՝ ինքնագրաւման: Մեր փորձութիւնն է այնքան տալաւորուած ըլլալ մեր մեղքերով ու ճախողութիւններով, եւ այնքան գրաւուած՝ առատաձեռնութեան պակասէն, որ կ'աւագախորհնք յանցանքի անդամալուծող զգացումին մէջ: Յանցանքի զգացումն է, որ կ'ըսէ. «Այնքան մեղաւոր եմ որ Աստուծոյ ողորմութեան արժանի չեմ»: Յանցանքի զգացումն է, որ մեր աչքերը Աստուծոյ յառելու տեղ՝ կ'առաջնորդէ ներզննումի: Յանցանքի զգացումն է, որ կուռք դառնալով, կը վերածուի հպարտութեան մէկ տեսակի: Պահքը ժամանակն է այդ կուռքը քանդելու եւ մեր ուշադրութիւնը ուղղելու սիրելի մեր Տիրոջ: Հարցը այս է. «Յուդայի՞ նման ենք, որ իր մեղքէն յաղթուելով չկրցաւ այդեւս հաւատալ Աստուծոյ ողորմութեան եւ ինքզինք կախեց, կամ Պետրոսի նման, որ զոջումով իր Տիրոջ վերադարձաւ եւ դառնօրէն լացաւ մեղքերուն համար»: Պահքի եղանակը, որուն ընթացքին ձմեռ ու գարուն կը մրցին տարածուելու համար, մեզի յատուկ կերպով կ'օգնէ աղերսելու Աստուծոյ ողորմութիւնը:

ԿԵԱՆՔԻ ԱՂԲԻԻՐ

Քաղցր Տէր, շնորհակալ եմ գարնանամուտին համար: Պահքի կիսուն, կը գիտակցիմ թէ Չատիկը նորէն կու գայ. ցերեկները կ'երկարին, ձիւնը տեղի կու տայ, արեւը նոր ջերմութիւն կը բերէ, եւ թոչուն մը կը գեղգեղէ: Երէկ, գիշերուայ աղօթքին ընթացքին, կատու մը կը մլաւէր: Անշուշտ, գարունը ինքզինք կը յայտարարէ: Եւ այս գիշեր, ով Տէր, լսեցի երբ կը խօսէիր Սամարացի կնոջ. «ով որ իմ տալիք ջուրէս իմէ՝ յաւիտեան պիտի չծարաւնայ: Ընդհակառակը, ջուրը որ ես պիտի տամ՝ անոր մէջ պիտի վերածուի աղբիւրի մը, որ ջուր կը ցայտէ եւ յաւիտենական կեանք կու տայ» (Յի 14.4): Ինչ բառեր, արժանի՞ ժամերու, օրերու եւ շաբաթներու խոկումի: Չանոնք մէջս պիտի կրեմ Չատկուայ իմ պատրաստութեանս ընթացքին: Քու տուած ջուրդ աղբիւրի կը վերածուի: Ուստի, նուէրովդ ազատ ըլլալու չեմ, ով Տէր: Ազատօրէն կրնամ թոյլ տալ ջուրին որ կեղդոնէս հոսի եւ յագեցնէ ան որ կը փափաքի: Թերեւս նոյնիսկ պիտի տեսնեմ իմ իսկ ներքին աղբիւրս երբ ուրիշներ անոր գան՝ իրենց ծառային յագուրդ տալու: Յանախ, Տէր, կը կասկածիմ որ մէջս աղբիւր կայ, յանախ կը վախնամ որ ատիկա ցամքած է, կամ՝ որ աւագով լեցուած է: Բայց ուրիշներ կը շարունակեն հաւատալ իմ ներքին աղբիւրիս՝ նոյնիսկ երբ ես չեմ հաւատար:

Թող այս տարուայ աղբիւրը եւ ներսիդիս գտնուող աղբիւրը ինծի խնդութիւն բերեն, ով Տէր, յոյսս եւ Փրկիչս: Ամէն:

(Շարունակելի 16)

ՏՆՕՐՀՆԷՔ

Տնօրհներ փափաքող ընտանիքները,
թող բարեհաճին դիմել
Տ. Գառնիկ Ա. Քինյ. Գոյունեանի,
հեռաձայնելով
514 909 5203 թիւին:

Հոգեւնգսեան

Ձեր արձանագրութիւնները
նախօրօք կ'ստանաք Կաթողիկոս
Եպիսկոպոսի Դիւանատան:

Հիմնադրութիւն Այժելութիւն

Բարեհաճեցէք հեռաձայնել
Արժ. Տ. Գառնիկ
Ա. Քինյ. Գոյունեանի.
514 909 5203 քիմն:

Այժելե՛՛ք Եպիսկոպոս Դիւանատան էնը

եւ Ձեր Հիմնութիւնը յայնտե՛ք (like).

www.facebook.com/SourpHagopChurchMontreal



Գանատայի Հայոց Թեմի Ազգային Առաջնորդարան
Զրիստոնէական Դաստիարակութեան Բաժանմունք

Armenian Prelacy of Canada
Christian Education Department

Ա. Գրոց Սերտողութիւն՝ Աւետարան Ըստ Յովհաննէսի
Նոյեմբեր 13-էն սկսեալ, ամէն Չորեքշաբթի, երեկոյեան ժամը 8-9,
Ազգային Առաջնորդարանի «Երուանդ և Անի Պասմաճեան» Դահլիճէն Ներս:
Ա. Հանդիպում Խօսքին Չորութիւնը
Կը ներկայացնէ՝ Գեղարդ Ծ. Կրդ. Քիւսպէլեան



Bible Study: The Gospel of John

Starting on Wednesday, November 13, 8-9pm, in the Armenian Prelacy
"Yervant & Ani Basmajian" Hall

Session 1: The Power of the Word | Presenter: R.R. Fr. Keghart Kosbakian

